


衡州府志

288.43  
270.43  
134.1  
1-20



衡州府志

光緒初元補刊  
三學公局藏板

重修衡州府志序



統溥海內外之民而甄陶之聿臻道  
一風同之盛者

聖天子之事也領一郡一邑之寄而整齊  
化導其民人者有司之責也將監此  
成憲俾罔所愆可資以厚民生而

民德者大之一統之志小之郡邑之  
乘也衡之為郡居楚上游倚嶽枕湘  
雄深阻固周遭豈惟千里盖屹然重  
鎮也仰惟

熙朝德洋恩溥聲教覃敷絕徼極遠咸開  
為郡縣幅員之廣數萬里而遙自唐

虞三代以來未有如今日之大一統者顧地濶則教化難周人衆則撫字不易雍正十年我

世宗憲皇帝念桂陽州壤地遼濶生童就試維艱改桂陽為直隸割臨藍嘉禾以屬乾隆二十一年我

皇上又以衡陽地廣事繁析東南境分設清泉今之衡州非昔之衡州也而志仍昔衡州之志官斯者何以諳因革生斯者何以厘則效耶任下車即有志從事無聞前舒守曾定議嗣以憂去留捐貲以襄斯役任何能不亟葺

厥事特以莅郡之初簿檄勾稽旁午  
卒卒未遑數年以來考棚式廓庠序  
聿新郡之有關文教者漸次修舉今  
壬午之秋始分延郡紳士能文者司  
其事採擇搜訪選匠開雕剋日而書  
告成竊郡志之不修八十餘年矣前

此渠無一籌及此者毋亦鞅掌於簿  
書而未之逮舒守議已定而又以故  
去纂輯之事不幾難乎因念志通於  
史所以資治而志與史微異史主作  
而志主述也顧仍舊之志主述而初  
始之志則述而無作惟志以紀實無

取文飾每援此義互相啓告幸諸紳士虛衷集益周咨博訪不漏不誣凡上而象緯下而山澤錢穀兵農師儒典禮羅羅若掌紋俾八十餘年之缺軼聿成完編官斯者可以資經濟生斯者可以深仰止而於古者太史陳

詩之旨其庶有當焉若曰以供騷人詞客尋幽弔古之資其末焉者已志中編纂節目既已具各條其體制又已略見凡例中無庸複縷姑為述其成之由如此云

乾隆二十八年歲次癸未孟夏月知

湖南衡州府事加二級豐城饒仝謨

衡州府志

卷之首

饒序

五

原序

張奇勛

考九州各有星土玉衡主荊州又祝融爲天南巨鎮  
衡郡之得名以此夫衡平也不平不可以爲治惟明  
之末造連歲用兵其間震蕩虔劉人文風物凋喪畧  
盡衡之失太平於今三十禩不平甚矣我

朝休養生息又若而年然猶桑麻不藝井竈蕭條是何  
耗斁之易而樂利之難也丁未冬余自晉陽擢守茲  
土受事之始目貽心恫思爲起敝維衰之計倣昔之  
操刀而割績著此邦者烹鮮若何製錦若何以爲吏  
治師庶得其所以平之者乃搜掌故而索遺文竟如

衡州府志

卷之首

原序

一

象罔之探珠求其零篇賸字不可得噫嘻詰人旣逞  
典型失墜余安所取衷哉因欲廣蒐傍討集郡士大  
夫共哀所聞勒爲一書以垂永遠久之未逮也已而  
隱君周子令公閒衣褐見相與揚摧故實屬以纂修  
周子逡巡以舊志未獲爲辭會庠生王生之變購得  
之持以進予乃輟然喜遂上其事于 大中丞盧公  
與 藩臬諸大人俱報可且謂余于衡髦髦焦思奔  
馳竭蹶之未遑而議及緣飾藻繪之事尙得以俗吏  
目之哉余唯唯謝不敏爰差穀旦執簡以授周子且  
聘文學鄒生章周共襄厥事昉于庚戌之秋仲報成

於辛亥之首夏爲卷二十有三總目十三分類九十  
有奇舉凡星野沿革錢糧兵農師儒禮樂風俗物產  
以及人才之彬蔚災眚之修救徽音闡及於閭閻末  
品弗遺夫淄黃亦旣脩矣而余竊有感焉攷舊志之  
作在明萬厯之癸巳寥絕疎曠迄今七十有九年其  
間豈無簪筆之碩彥與好文之長吏足以徵文考獻  
乃至中更大變祖龍地燼舊聞放失駸駸悠悠以迄  
茲日然後以修明之責寄之余與二三子意者時會  
之適然耶夫典籍者政術之藉也賦役不定則不知  
杼柚之空也學校不興則不知教化之起也風俗不

衡州府志

卷之首

原序

二

審則不識貞淫之所由別也官師不述則不解歌思  
怨讟之何以作也多士逸于埜武備弛于疆何以光  
賓興之舉壯干城之衛也前賢之風歟不著壺德之  
幽貞不彰何以發景行之慕厲節烈之操也氛祲不  
晰于五行攘斥不加于二氏何以盡消弭之道立先  
聖之閑也苟思更化必先言俗苟思善俗必先宜民  
披圖覽籍政教于是乎出焉將所謂平之者在是歟  
後之保釐此邦者于此取衡則格人元龜之助也寧  
僅作湘中風土記已哉

原序

周士儀

郡有志以備考也顧選策已陳而世故日新前人雖欲備之不克備也衡志昉自有元明正統中纂於郡人范禮繼增於劉侍御徽再輯於伍大叅讓三百禩中修明纔三見爾當日何嘗不云備及今眎之遂如火之需薪否則熄矣則以前人不能豫爲後人備之故也歲己亥郡伯李東園先生慨然欲增新之命邑博投柬於儀將以觚翰見授自度淺陋固辭獲命遲之十年松翁張太公祖來守是邦殫思竭慮朝夕糾虔鰓鰓焉以訓方型俗育才以民爲務旣三載底

衡州府志

卷之首

原序

三

可績於是訪衢謀野思哀遺文爲潤色經綸之具俾吾衡政教有章徭賦有考食貨有經人物有紀以備前人之所未備意良厚已猶兢兢未肯擅廼上請於大中丞公旣得請引車式廬命儀與弟儼暨鄒子章周董若役焉力謝望再始拜公聘而弟儼適奉檄入都儀與鄒子分類校讐鵷晨燈夕匪遑寧處顧自萬厯癸巳以還歷季滋久而况東海揚塵西園削色隱桓之日已遠定哀之詞宜微而欲標目摘文分曹奮筆蓋亦難矣然其閒有必循之義例無可畧之典章雖事蹟宜準諸今而體裁一衷於古於是言以

類從目由綱舉寧採秋實母擷春華汝南之月旦可  
師夾漈之幡閣足鏡恐有所闕不足備前人之所未  
備聿觀疆寓所肇隸在職方上欽天時下審地絡以  
及林麓川澤古祈望舟鰲之所守也作封域志第一  
仰觀俯眎而人事以興凡伊瀍立冢崇堂除道息民  
事神罔敢後也作營建志第二攸居旣奠爾宅爾田  
三讓底貢公旬赴役奉上之義所由激也作賦役志  
第三均徭平歛民用以康苟非親遜未式於化干羽  
管磬以肄以將作學校志第四沐浴歌詠比戶可封  
誠使俗不卽淫貨不棄地則安寧之術也作風土志

衡州府志

卷之首

原序

四

第五阜民之產而去其慝職在有司苟利茲土名棠  
郇黍百世依之作秩官志第六若夫三物以賓賢書  
彙進師帥之效也觀國利用賁及丘園杞幹栝柏實  
維楚有作選舉志第七匿文不昭覲武無烈乃旣矢  
懿德亦省干戈則揆奮同功經緯共貫作武備志第  
八定邦戡亂人才爲之山川之氣鬱爲國華立德立  
功詎容晦翳作人物志第九程品之法君子斯貴巾  
幘奚取焉乃錚錚之槩足抗鬚眉誰謂鍼管遂無形  
史作列女志第十人之性情精者爲言文章言之至  
精者也其體非一或論裨時政或韻涉景物咸騷辯

之遺也作藝文志第十一大畧備矣然而天人所感  
政令所召勞逸恩怨之所積得失治忽之所伏何嘗  
不徵爲景卿變爲罔象省日省月修禮修刑可以觀  
德作祥異志第十二夫志者志也志以內者志之外  
此可無志然亦惡其不備彼蓬山鷺嶺羽客空王二  
氏之說浸淫已極弗爲之防大道將裂作外志第十  
三諸所編次頗費討尋旣登鴻蹟兼採碎錄譬之侯  
鯖調自君卿之鼎亦如春繭澡諸幌氏之機凡八閱  
月耳目心手更迭爲用幸得成帙以報命於 大執  
事僅比兔園之冊聊備遺忘云爾若猶有未備者則  
衡州府志

卷之首

原序

五

以今人不能爲後人備之猶前人不能豫爲今人備  
也又俟夫來許之博物者焉

原序

周士儀

伊昔庚戌之歲

儀拜

郡大夫榮陽張公祖命偕文

學鄒子殫力於郡乘之役未暮而鉛槧告竣亦既懸國門將以上內史矣亡何遽丁大變自寅迄午嶽動海飛其工之頭觸不周蚩尤之霧迷涿鹿勝國以來亂未有若斯之棘也人民城郭舉非其故曩年梨棗非焦于爨煙則委諸馬棧安能有完璧耶時儀攜一蒯緱旅食燕市已而薄游淮海泛宅西湖羈人登王粲之樓暮齒擬子山之賦林逋籬雪半染巔毛而昔年紀風編俗之書每載行笥未嘗去也閒一披覽鄉

衡州府志

卷之首

原序

六

園景物如在目眚蜀思越吟輒爲悽劉又或旁檢它書其言其事有繫于吾郡爲嚮來聞見所未逮者卽臚之掌股且因以訂其謬誤久之成帙期畱爲異日補修藍本洎己未春郡獲寧堵始擔簦歸里而長兒太學生豐濫先朝露已二年矣西河之勸奚止喪明羸博之傷未及掩坎欲取前書而讐校之哀纏五內卒卒何堪次季夏出應兩浙大中丞李嵩岑先生召復買武林之棹淹畱歲餘勸而言返適我郡祖慎翁譚侯自民部郎移守於此溫惠誠篤蔚然良牧博綜大雅允矣名家甫下車輒有釐偏振敝之思搜閱

殘篇愴焉興感慮是非頓失於陽秋而直道終灰于秦焰也爰咨掌故仍以殺青授簡於儀而儀不忍棄

成勞尤不敢忘前事再起受命因折柬以招鄉子共續舊緒池之日戈迴而手沐之斯固幹蠱庚張之一候也乃吾衡出汗染之餘其待維新者非一事而郡乘其嚆矢也乎我郡侯襟宇春融迨然以禮樂濯俗庶幾乎文翁之化蜀固非儒俗吏能逮其萬一者儻由此而推行盡利使一郡之敝者剔墜者舉治道蒸蒸有完無刵眎諸此矣聞侯之筮仕于蔡也亦首以邑乘爲務乃知文章爾雅之彥不矻矻于程簿衡州府志

卷之首

原序

七

書而汲汲于樹風教其意蓋已遠矣是役也仍而不改者半正其譌艾其蕪與增而續之者亦半一以存榮陽公之舊蹟一以闡今大夫之新猷至于紀事敷詞寧質毋華衡品程人寧覈毋僞一念不敢阿所好一字不肯徇所私視昔倍爲謹凜蘄不違于三古之遺直者是則儀可自信以信于同志者也蓋儀從事于志乘也數矣癸丑泚筆于潞水戊午訂定于鹽官雖風尚不齊而條例弗異今歸而肆考以落其成其益有所取衷也夫

原序

鄒章周

庚戌八月<sup>丁</sup>露初下

<sup>章</sup>

方氏鉛鍊提槩篝冀舌稽之

亦有秋也

太守張榮陽夫子庶績底成將登典故

備憲章以討實之責賈書幣於郊廬惟

<sup>章</sup>

之業夙在

詩也詩曰維桑與梓必恭敬止古人于鄉之草木猶

懼有隕越焉矧一郡之文獻是毗卽乞霍靈爲觚挹

湘沅爲滴恐不克修明稱塞 上大夫之幣命豈僅

若畏一枝之卽戾已耶抑聞之張茂先至瑯嬛石室

各有奇書一室則歷代史一室則萬國志一室則玉

京紫微金真七瑛丹文祕字也夫國志且與紫微祕

衡州府志

卷之首

原序

八

籍並珍瑯嬛匪徒爲傳世之策矣

<sup>章</sup>

何人斯以溝斷

羣青黃閒雖熨無清人安敢不經營內熱懼而益之

以感也蘭臺之史尙本子駿詹事之書取資彥伯故

簡具燼荒邈無托則懼謬廢墜幾八十年郡無月存

日秩之老卽偶出田閒亦鄙僿無當周咨則懼疎清

議如響一行失稽非疑有報德卽誣以索米則懼謗

實則後已名則先人比比而是苟廉不方以憲孝不

方以參非公爭爲投牒卽私忱以門戶則懼媮此四

者其大約也至於所感則觸類而興誠不知其自來

也販章如故也昔井舍之芄黍今爲蒿原矣昔叢阜

之金魚今在人閒矣高深不易觀乎考工取新也仙宮梵宇緝碧漸復壯矣經閣講堂瓦礫猶難除矣先後不失序乎竭繭而絲者彼自亡繭于下損戶而障者已且失障于上則其賦難而治賦之尤難也樹黃茂者非沃壤則易枯治稂莠者雖瘠土亦易薅則育士難而士自育之尤難也縷簋朱紘君子且以爲濫矣而市井窮金珠之飾何底乎觴豆衽席君子嘗惡其犯矣而衣冠成凌粹之風何始乎實治亂之由也卓茂朱邑之禁濶矣破觚爲圓而罔漏吞舟之名奚失乎王溫舒嚴延年之聲烈矣威隙姦起而揚沸救

衡州府志

卷之首

原序

九

火之術奚得乎實安危之本也考賓興則氣塞風雲選徒御則聲如虓虎豈文匿而武過覲耶詢士行則青簡有量昭幽儀則彤管殊勞豈陽伏而陰不愆耶文藝之古淳而今漓古蘊而今盡也則世運漸遙也禮祲之示祥而移災示凶而移吉也則人事自邇也若夫瞿曇老莊之言淫佚枉枝且欲奪濂洛關閩之席于吾衡爲尤甚仁山太虛密齋學父諸先進而後莽莽殆百年安得有仲尼之徒辭而闢之廓如乎此尤感極而欲憤者也范蔚宗嘗自述其撰書之意謂欲因事發論以正一代之得失

章

何人斯幸厠筆從

涉園周先生後編次之餘感及而論每妄及之其有  
感而未論者則涉園與伯兄定之臯敏已分及之至  
正也或以爲懼近蕙感近狂蕙與狂章皆不敢任章  
之懼與感也要歸於敬桑梓而已敬則正正則或可  
以報 上大夫矣雖然章固習授兔園冊者也瑯嬛  
石室則有俟乎後之君子